

aker wisen holtz veld wunn vnd / waid zins gelt vnd stúran väll geláss wilpan vederspil vischentzen fliegentz vnd fliessentz gericht zwing vnd bánn vnd sunderlich wz Jn dem kraiss vnd marken / ich nütz oder recht hân es sig vff Bergen in telren oder vff der Ebni daz alles mit grund mit grat mit steg mit weg vnd mit allen rechten nützen vnd / gewonhaiten vnd slehtklich mit aller zûgehôrd, vnd in aller der wis vnd máss als ich dz vntz her Jnn gehept vnd genossen hân daz hân ich alles dem egenanten / minem Brúder v̄lrichen³ von Brandis vnd sinen erben vmb die obgenanten Sechzehen hvndert gúter guldin Jngesetzt vnd versetzt recht vnd redlich ze ainem rechten / redlichen werenden pfand vnd ze allem recht, also vnd mit sôlicher gedingd vnd beschaidenhait daz derselb v̄lrich³ min Brúder vnd sin erben die vorgebant vesti / Blúmnegg⁴ vnd wz darzû gehôrt, vnd dz land vnd den kraiss in den vorgebantten marken mitenander Lút vnd gút als vor ist beschaiden Jnn hân niessen besetzen / vnd entsetzen sont vnd mugent nu hinnanhin wie sú wend als ander Jro aigen gút, vnd ôch in aller der wis als ich dz vntz her Jnn gehept vnd genossen hân Jch hân / och geschaffet vnd schaffen mit disem brief daz min Burgman vff Blúmnegg⁴ darzû alle die Lút in den vorgebantten marken sesshaft vnd wonhaft sint / dem egenanten v̄lrichen³ von Brandis minem Brúder vnd sinen erben fúr aigen in pfandes wis gesworn hânt all vnd ieglicher besunder gelert aid ze den hayligen / mit vferhabnen handen Jnen gewártig vnd gehorsam ze sind in aller der wis als si mir vntz her gewesen sint ân all widerred vnd sol dz alles alsuss weren vnd / gantzlich beliben alle die wil vnd zit Jch obganter Grâff hainrich¹ oder min elich liberben ald min herr vnd Brúder Bischoff hartman² Bischoff ze chûr oder / min Brúder wolff¹¹ von Brandis daz nit gantzlich erlöst vnd erledget hânt von dem egenanten v̄lrichen³ minem Brúder oder sinen erben vmb die vorgebantten / Sechszehenhvndert gúter wolgewegner guldin, nach des briefs Lut vnd sag den mir der selb v̄lrich³ min Brúder darvber geben hat, Jn weler wis vnd máss / Jch oder min elich liberben oder die egenanten min Brúder die losung tûn sont vnd sol die losung nach des selben briefs sag beschehen von vns vnd von niemant anders / ân all geverd, Ez ist ôch beret vnd bedinget, wer diesem brief Jnnhât mit des egenanten mins Brúder v̄lrichs³ von Brandis offenn brief besigelt mit sinem./ Jnsigel daz dem daz egenant land vnd der kraiss vnd die vesti Blúmnegg⁴ mit aller zûgehôrd vndertânig gehorsam vnd gewártig sin sont mit allen sachen / vnd in aller der wis vnd máss als dem egenanten